

**АЛАШ ИДЕЯСЫ МЕН ТӘҮЕЛСІЗ ҚАЗАҚСТАН БІЛІМ САЯСАТЫНЫң  
САБАҚТАСТЫҒЫ**

**Қабылбай А.Б.**

[bota.kabylbay@mail.ru](mailto:bota.kabylbay@mail.ru)

Л.Н.Гумилев атындағы Еуразия ұлттық университеті,

Қазақстан Республикасы, Нұр Сұлтан қаласы

Ғылыми жетекші - Қаленова Т.С., т.ғ.к., доцент

The article presents an idea of the Alash of the 20th century and its continuity in the modern educational policy of the Republic of Kazakhstan. Various programs, scientific research are offered. Conclusions are made based on the analysis of education systems during the twentieth century and after the independence of Kazakhstan. Comparison of educational reforms of the Alash party and Kazakhstan. Particular attention is paid to the relationship of educational processes in Kazakhstan and its mindset.

Мемлекеттің дамуында үлкен рөл атқаратын салалардың бірі білім саласы. XXI ғасырда білім мемлекет пен қоғам дамуының стратегиялық ресурсы болып табылады. Қазіргі Қазақстан Республикасының білім беру саясатының даму сатысында бірқатар реформалар мен өзгерістер жүргізіліп, жүзеге асырылуда. Қазақ халқының білім саясаты Алаш зиялышарының «Алаш идеясынан» бастау алады.

«Алаш идеясы» – XX ғасырдағы қазақ халқының азаматтық тарихындағы ұлттық идея. Алаш идеясының негізін қалаушы қазақ зиялышары: Әлихан Бекейхан, Мұстафа Шоқай, Барлыбек Сырттан, Ахмет Байтұрсынұлы, Халел Досмұхамедұлы, Жаһанша Досмұхамедұлы, Міржақып Дулатұлы, Халел Фаббасұлы, Мұхамеджан Тынышбайұлы және т.б.

Алаш интелигенциясымен қазақ халқының дамуы мен өркендеуі үшін көп жұмыстар жұмыстар жасалынып, үлкен нәтижелерге жетті деп есептеуге болады. Халықтың білім деңгейін көтеру үшін «Қазақ» газетіне мақалалар жарияланып, кітаптар жарналдар шығарылып отырды. Сонымен қатар, сол замандағы барлық мәселелерді шешудің жолдарын қамтыған тұңғыш жалпықазақ съезінде қабылданған Алаш партиясының «Алаш» бағдарламасын атап көрсетуге болады.

Бірінші жалпықазақ съезінде қарастырылған басты мәселелердің бірі оқу ағарту ісіне байланысты бірқатар қаулылар қабылдады. Мәселен, съезд оқу-ағарту ісіне байланысты «бастауыш білім жалпыға міндettі болын, бастапқы екі жылда оқу баланың ана тілінде жүрсін, мектеп оқулықтары және мерзімді басылым «Қазақ» газеті емлесімен жазылсын» деген шешімдерді қабылдады. Бұл қаулылардан қазіргі Қазақстан Республикасының білім саясатымен ұқсастырынан аңғаруға болады.

Қазіргі таңда мектеп жасындағы балаларға білім жалпыға міндettі болып табылады, оқу ана тілінде, яғни қазақ тілінде немесе ресми тілде жүргізіледі. Осыдан бір ғасырдан астам уақытта Алаш зиялышарының сол съезде қабылдаған шешімдері тәуелсіз Қазақ елінің білім саясатындағы негізі болып келеді.

«Алаш» партиясының бағдарламасы он тараудан тұратын, өзекті мәселелердің шешімдерін қамтыған саяси бағдарлама. 1917 жылы 21 қарашада «Қазақ» газетінің №251 нөмірінде жарияланған. Бұл жобаны Әлихан Бекейханов, Ахмет Байтұрсынов, Міржақып Дулатов, Елдес Омаров, Есенғали Тұрмұхамедов, Әбдіхамит Жұндыбаев, Фазымбек Бірімжанов құрды. Дүниежүзінің дамыған мемлекеттерінің тәжірибесіне негізге ала отырып, тәуелсіздікті, демократиялық режимде дамитын, революция жолымен емес, ұлттық бірлік, саяси реформа негізінде мемлекеттік құқықтық идеяларды ұсынды. Бағдарлама сөз бен баспасөз, жиналыс еркіндігі, жалпы білім беру, оқу орындарында ана тілінде оқытылуы, дін ісінің мемлекет ісінен дербес болуы, билік пен сот, ел қорғау,

салық, жерді жалға бермеу және сатпау жәнетағы да басқа идеялардан тұратын 10 баптың қамтыды. Негізгі он тараудан тұратын, нақты мәселелердің шешімдерінен құралған алғашқы саяси бағдарлама. Бағдарламаның IX тарауы «Ғылым-білім үйрету» деп аталады. «Бұл бөлімде оқу орындарында білім алу жалпы халыққа қол жетімді, әрі тегін болуын, бастауыш мектептерде ана тілінде оқыту, ұлттық орта мектептер мен университет ашу қажеттігін көрсете келе, одан әрі: «оқу жолы өз алды автономия түрінде болуы; хұммет оқу ісінде кіріспеу; мұғалімдер - профессорлар өзара сайлаумен қойылуы» деген оқу-білім мәселесіне қатысты белгілеген басты бағыттар қазіргі күнгі әлемдік білім беру деңгейіне сәйкес келетін негізгі талаптар екендігін байқауға болады [1, 30].

Алаш зияллылары XX ғасыр басында елімізде әлемдік білім беру үлгісін енгізуі мұрат еткенідей, Тәуелсіз Қазақстанның алғашқы жылдарынан бастап білім беру саласында жүргізілген мемлекеттік саясат бұл маңызды жүйені сапалық жағынан жақсарту мақсатын қойды. Мәселен, Қазақстанда жоғары білім беру саласын реформалау 1995 жылдан бастап қарқынды жүрді. Қазақстанның Болон процесіне жедел кіруі нәтижесінде Қазақстан үш деңгейлі моделге енді: бакалавриат-магистратура-PhD докторантурасы.

Елдегі білім мен ғылым мәселелерін көтеруде және оны дамытуда жұмыстар жасаған Алаш зияллыларының бірі Ахмет Байтұрсынұлы. Ол Қарқаралы петициясында жергілікті басқару, халыққа білім беру жөнінде елдің мұддесіне сәйкес өзгерістер енгізу, цензурасыз газет шығару мәселелері қозғалды. Қазақ қоғамының саяси сауатын дамыту мақсатында Әлихан Бекейханов, Міржақып Дулатовпен бірге тұнғыш жалпыұлттық «Қазақ» газетін шығарып тұрды. Ахмет Байтұрсынұлы Батыс елдерінің білім мен ғылымымен салыстырғанда қазақ халқының деңгейі төмен дәрежеде болғанын түсінді. Қазақ халқын білім мен ғылымға шақырды. Ол елді дамытуда мектеп балаларының оқу ағарту ісінен бастап керек деп есептеді. «Басқадан кем болмас үшін білімді, бай және құшті болуымыз керек. Білімді болуға оқу керек. Бай болуға кәсіп керек. Құшті болуға бірлік керек. Осы керектердің жолында жұмыс істеу керек» деп жазды.

Қазіргі таңдағы мектеп оқытын оқушылардың біраз бөлігі қазақ тілінде де, орыс тілінде де көркем кітап, газет пен журналдар оқымайды. Сонымен қатар, қазақ тілін де, орыс тілін де жеткілікті деңгейде білмеуі, ұлттық ойлау жүйесіне эсер етуде. Осының нәтижесінде жазу сауаты оқушылар мен жасөспірімдер арасында жылдан жылға төмендеуде. XXI ғасырдың білім мен ғылым мәселелерінің шешімін XX ғасырдағы Алаш зияллыларының өкілі Ахмет Байтұрсынов ұсынды. Оны мына сөзінен байқауға болады: «надандықтың кесапаты әр жерде ақ мәндайымызға тисе де, ата жолдасымыз болған соң, біз де қыпайтын май келеміз, дүниеге ерге теңдік, кемге кендік, азды көпке теңгеретін ғылым менен өнерді, елсізді елдіге теңгеретін, жоқты барға теңгеретін ғылым менен өнерді керек қылатын қазақ аз» деген сөздері дәлел бола алады.

Басқа елдердің тәжірибесін бағдарлау нәтижесінде, білім мен ғылымның теңдікке жеткізетінін, әлсіздерге күш беретінін, халық жағдайын жақсартады деген қорытындыға келді. Ахмет Байтұрсынұлының білім мен ғылым саласын дамыту саласында бастауыш мектептері оқу ағартушылық ісіне ерекше мән бөлді. «Бастауыш мектеп» деген мақаласында бастауыш мектепте білім алушы балалардың толық оқу жазу сауаттылығын ашатын болуы қажет. Сол себепті, қазақ халқы үшін бастауыш мектептердегі оқу 5 жылдық болуы, оның алғашқы 3 жылында балалар тек ана тілінде білім алуы керек деп есептеді. Орта мектепті 12 жылдық жүйеге көшіру керек деген идеяға келді. Бұл идеяның негізгі себептері, біріншіден қалада тұратын қазақ отбасылары орыс тіліне ауысу бейімділігінің жоғарылауына байланысты, сонымен қатар мектепте де ана тілі дұрыс деңгейде үйретілмегендіктен, ана тілінде таза сөйлеу жоғалуына байланысты. Бастауыш мектеп өз ана тілін үйрететін маңызды буын болуы керек деген тұжырымға келді. Екіншіден, жас үрпаққа білім алушының маңызды екенін ұғындыру керек деп есептеді. Себебі, Жан Жак Руссоның айтуынша, оқушыға ең бірінші сабак оқудың қажеттілігін

ұғыну сабағы. Үшіншіден, бастауыш сынып оқушыларын әдебиетке деген қызығушылығын арттыра білуіміз керек.

Алаш қозғалысының рухани көсемі Ахмет Байтұрсынұлы білім саласындағы еңбек атқарған нәтижелі жұмыстарның бірі қазақ тіліндегі дыбыстар жүйесін зерттеп, қазақ халқына тән әліпбиді құрастыруы.

А. Байтұрсынұлы сауатсыздықты жою мақсатында және де ғылым мен білімнің дамуы, мәдениеттің өркендеуіне араб жазуының қазақ халқыны қолайлы емес екенін түсінді. А.Байтұрсынұлы әліпбиді құрастыруда қазақ тіліне тән төл дыбыстарды алғып, кірме дыбыстарды әліпбиге қоспаған болатын. Әліпби 24 әріптен тұрды. Бірақ сол уақыттарда бұл идея «Дала уәляяты», «Айқап», «Қазақ», «Еңбекші қазақ», «Жаршы», «Жаңа мектеп» газеттерінде пікірталас тудырыды. Латын әліпбі 1929-1940 жылдар аралығында ұлттымыз қолданды, 1940 жылдан бастап кириллицаға ауысты.

«Біз алдағы уақытта да мемлекеттік тілді дамыту бағытындағы кешенді жобаларды жүзеге асыруды табандылықпен жалғастыра береміз. Қазақ алфавитін 2025 жылға қарай латын графикасына көшіруге дайындық жұмысын осы бастан қолға алу қажет. Бұл қазақ тілін жаңғыртып қана қоймай, оны осы заманғы ақпараттың тіліне айналдырады» [2], деп айтқан болатын Елбасы.

2017 жылы Қазақстан Республикасының Тұңғыш Президенті Н.Ә. Назарбаев ҚР Президенті «Қазақ тілі әліпбін кириллицадан латын графикасына көшіру туралы» Жарлыққа қол қойды. ҚР Премьер-Министрінің өкімімен қазақ тілі әліпбін латын графикасына көшіру жөніндегі Ұлттық комиссия құрылды. Қазақ тілі әліпбінің латын графикасына кезең-кезеңмен көшуінің іс-шаралар жоспары 2025 жылға дейін әзірленді, орфографиялық, әдістемелік, терминологиялық, техникалық және ақпараттық сүйемелдеу жөніндегі 4 жұмыс тобы құрылып, қызмет атқаруда.

Бүгінгі жаһандану заманында, ғылым мен техника дамыған кезеңде, ақпарат алмасу мен технологияның тілі латын әліпбіне негізделген. Латын әліпбін дүниежүзі бойынша қолданыста кең таралған және БҰҰ-да тіркелген алты тілдің бірі. Ең алғаш рет Римде грек және этрус әліпбінің тармағы ретінде қолданылып, б. з.-н 1 ғасырында қалыптасты. Қазіргі кездегі латын әліпбіндегі әріп саны 25. Бұл жөнінде ҚР Білім және ғылым министрлігі Түркі академиясының президенті Шәкір Ыбыраев: «Латын әліпбіне көшу – қазақ тілінің халықаралық дәрежеге шығуна жол ашады», [3]- деген болатын.

Бір ғасырдан астам уақыт бұрын емле мәселесіне қатысты ұсынған Алаш зиялышарының реформалаш саясаты қазіргі таңда да өз өзектілігін жойған жоқ. Оған Ахмет Байтұрсынұлының «Әліпбі» нақты мысал бола алады.

Қорытындылай келе, Алаш арыстары қазақ ұлтының зияткер ұлт болып қалыптасуы жолында ерен еңбек етті. Ол үшін білім мен ғылым салаларын дамытуда өте көп жұмыс атқарды.

Кезінде алаштық интеллигенция ұсынған жол да қазіргі қазақстандық жол сияқты өркендеу жолы болды. Алаш зиялышары қазақ елінің сан ғасырлық даму тәжірибесін, салт-дәстүрін революциялық әдіспен құрт өзгертуді емес, қайта оларды эволюциялық жолмен, басқа өркениетті елдердің өмір тәжірибесін ескере отырып, одан ары жетілдіре түсуді көздеді. Сондықтан, алаш қайраткерлерінің қазақ мемлекеттілігін құрудағы ұстаннымдары бүгінгі тәуелсіз Қазақстан мұрат-мақсаттарымен тұра сабактас келеді.

### **Қолданылған әдебиеттер тізімі:**

1. [Каленова Т. Еуразияшылдық: теория және практика. Оқу құралы.- Астана: «Фолиант», 2012. - 235 б.](#)
2. «Қазақстан-2050» Стратегиясы қалыптасқан мемлекеттің жаңа саяси бағыты// Қазақстан Республикасының Президенті Н.Ә. Назарбаевтың Қазақстан халқына Жолдауы, Астана қ., 2012 жылғы 14 желтоқсан. <https://www.qazaquni.kz%2F2013%2F02%2F01%2F14909.html>